

疇

人

傳

三

編

疇人傳三編序目

序曰明經明算並重唐典元精明替爰逮鼎建

聖祖首出斯學大顯

盛世無外古籍盡獻讀曰東來寶源大衍阮先羅後疇人
列傳訖今甲申垂五十年聰明才智我有人焉茗香四元
梅侶句股莊愍橢圓載願對數宮簿神解致曲洞方徵君
妙用繪畫測畧秋初集成必則古昔駕乎泰西我書彼譯
高見戴凡茲君子度越前朝蒙之纂續庸備芻蕘旁及名
媛女也三氏附錄西洋太傳舊例嗟嗟束髮願學耽耽太
九齒逾見惡迺積如後所聞所見筆之于書庶有達者理
而董諸光緒十有二年正月乙未朔立春日錢塘諸可寶
目

卷一

國朝 續補遺一

吳任臣

龔士燕 楊文言馬負圖

方正珠

胡宗緒

王蘭生

顧棟高

子烱吳鳳

華玉淳

華綱

胡天爵

嚴璣

何夢瑤

馬經

萬光泰

沈大成

董達存

凌霄

孔繼涵

汪廷榜

張裕葉余均程尙志

卷二

國朝 續補遺一

許宗彥

徐養原

紀大奎

傅九淵史大壯胡文

翰鳳陽陳黃俊

朱鴻

張矛冠

時銘

周濟

臧壽恭

齊彥槐

江陰秦

王大善

程恩澤

俞正燮鄭復光

劉逢祿

湯治石

牟庭

劉日義

顧廣圻

黃汝成

安清翹

卷三

國朝

後續補

阮元

駱騰鳳

吳玉樞

李兆洛

六嚴

張鑑

凌堃

沈欽裴

宋景昌毛嶽生

錢儀吉

陳杰

丁兆慶張福傳

項名達

王大有

金望欣

岑建功岑淦

李時溥

董杜科周成

卷四

國朝 後續補二

羅士琳 易之瀚沈齡田晉賓

朱駿聲 徐有壬

馬釗 熊其光

鄒漢勳 弟漢池 施勤

戴熙 楊寶臣 諸可繼弟可所附記

卷五

國朝 後續補三

顧觀光 韓應陞 夏鸞翔

馮桂芬 陳賜管 嗣復 尹錫質 錢綺

鄒伯奇 劉熙載 伊德齡 時曰淳 陳瑑

卷六

國朝 後續補四

丁取忠 李錫蕃

吳嘉善

汪曰楨

左潛

曾紀鴻

張文虎

李善蘭

卷七

國朝名媛 後附錄一

葛宜

沈綺

王貞儀

西洋 後附錄二

胡威立

羅密士

侯失勒約翰 比各格式賓斯蒐德

艾約瑟

偉烈亞力

華里司

固靈

海麻士

哈司章

富路瑪

那麗

連提

加悅傳一 郎俊興附記

以上爲書七篇凡得續補遺二十九人附見二十二
人後續補三十一人附見二十五人附記又二人後
附錄名媛三人西洋十一人附見四人附記東洋又
一人總百二十有八人云

晴人傳三編附載

引用書目以引用之先後
爲次以備覆檢

欽定四庫全書總目提要

今世說

道古堂文集

鮑埼亭集

晴人傳

鶴徵前錄

武進縣志

安徽通志

國史儒林傳

春秋大事表序又朔閏表

詞科掌錄

蒲褐山房詩話

湖海文傳

小倉山房文集

春秋夏正

廣東通志

粵臺徵雅錄

南海縣志

鶴徵後錄

東原集

學福齋雜著

藝海珠塵本

續疇人傳

江甯府志

復初齋文集

算經十書序

微波榭叢書本又南昌梅氏刻本

學經室全集續集

鑑止水齋集

湖州府志

衍石齋記事稿續稿刻楮集

慎齋全集

江西通志

緝古算經音義序又細草圖解

算法大成

上編

海昌備志

董方立遺書

務民義齋算學

咫進齋叢書本又白芙堂刻本

養一齋文集

占微堂外集

翠薇山房算學叢書

程侍郎遺集

粵雅堂叢書本

癸巳類稿存稿

連筠簪叢書本

投壺算草

周公年表序

齊魯先詰遺書本

思適齋集

春暉堂叢書本

嘉定縣志

書目答問

雷塘庵主弟子記

開方釋例

藝遊錄

嘉興沈氏藏書刻本

舒藝室雜著甲乙編賸稿又詩存又隨筆

藝舟雙楫

皇輿全圖

恆星赤道經緯圖

墨林今話

九章算術細草

數書九章札記 詳解九章算法札記 又楊輝算

法札記 並宜稼堂叢書本

曾文正公文集

戴府君行狀

下學庵句股六術 江南機器局本

嘉慶丙子科鄉試齒錄

比例匯通

觀我生室彙稿

朱博士行述 說文通訓定聲附錄本

蘇州府志

鄒徵君遺書

白芙堂算學叢書

顯志堂稿

國朝先正事略

步算筌牋

兩浙忠義錄

求表捷術

粵雅堂叢書本

九數外錄

江南局本又武陵山人遺書本

洞方術圖解

致曲術圖解

少廣純鑿

南海鄒徵

君道書本

弧矢算術細草圖解

吳縣馮氏本

昨非集

傳習錄

百難術衍

白芙堂本

歷代長術輯要 古今推步諸術攷 並嘉慶叢刻白
刻本

推策小識 超辰表 如積引蒙 並稿本

測圓海鏡序 同文館聚珍本

則古昔齋算學

幾何原本全書

重學增曲綫說

代微積拾綴 墨海本

談天 同上又重校刻本

國朝閨閣詩鈔小傳 德化蔡氏刻本

數學啟蒙 墨海本

代數術 以下並江南機器局新譯本

微積溯源

三角數理

算式集要

測地繪圖附卷並表

航海簡法附表

行軍測繪附卷

圖理括囊

白美堂本

以上諸書皆據見行本蒐錄詳記如右至甲乙科目則稽諸館選錄及進士題名碑錄兩書者多不允注故不列於上焉諸可寶又識

晴人傳三編卷一

錢塘諸可寶纂錄

國朝續補遺一

吳任臣

吳任臣字志伊一字爾器初字征鳴號託園仁和人諸生
康熙十八年

召試博學鴻詞授翰林院檢討謨有十國春秋一百十四
卷

欽定四庫全書據浙江孫仰曾家藏本著錄提要謂其五
表考訂尤精可稱淹貫又謨山海經廣注字彙補周禮大
義禮通春秋正朔考辨南北史合注託園詩文集各如干
卷檢討志行端慤博學而思深兼精天官奇壬之術射事
多中時人比之管郭當明史開局歷志爲檢討分修最初

稿也

國初時崇尚算術鄞縣全吉士祖望曾有言曰自古學廢

絕西人獨擅其長中原反宗之唐荆川顧箬溪邢雲路欲

會通焉而尙未能姚江黃梨洲出始言周公商高之術中

原失傳而被襲於西人試按其書以求之汶陽之田可歸

也梨洲弟子半江南絕學將昌同時杭人吳志伊蘇人王

寅旭宣人梅定九鼎足而出三先生者未嘗與姚江討論

及此而所見適合然且姚江初出正在異軍特起時其說

尙稍疏至諸家而益密今案吳江宣城皆有傳書雖檢討

遺論亡佚大半然由全說觀之其學信不凡已定四庫全

書總目提要今世說鶴徵前錄曉人傳梅文鼎傳道古堂文集鮑琦亭集

論曰熙雍以來絕學日昌家和璧而人隋珠儒者兼長古

之明算匠得而指數也傳曉人者阮太傅創之羅明經廢

之美矣備矣顧阮後羅前宜拾補者不乏今敘吳檢討以
次若而人斷自道光二十年已上爲續補遺二篇蓋諸君
云往當兩傳未成日也後此都爲後續補四篇附錄一篇
首傳太傅止於乙酉略依輩行沒世之先後第之擇必精
語必詳悉仍前例焉夫以太傅之闕通明經之淹博網羅
綜貫幾歷年所猶且有百一之遺竝雙韭之文大宗之集
亦尙搜求未盡而況佚聞墜典不如全杭之顯者乎然則
名山盛業湮晦而弗彰者往往非眇已而鄙人愚妄徒竭
一心之知能僅聚數十家之書積二十有餘年之間見而
欲抗蹤已往柄笑方來遂信無豪髮憾哉夫亦曰飲於河
者第鼓其腹焉斯已爾然而當代聞人羅具乎是其所不
知道從益闕他日踵我事者或有可財取歟

龔士燕字武仕武進人少穎異能文講求性理發明蔡氏律呂新書推衍黃鍾圓徑開方密率諸法而於元太史郭守敬授時術尤得其秘如求冬至時刻上推百年加一算下推百年減一算以爲歲周三百六十五日二十四刻二十五分之內滿百年消長一分是爲萬分中之一非萬分爲日之一日也核之春秋日食三十七事多與符合又如推晦朔弦望以太陽之盈與太陰之遲以太陰之疾與太陽之縮皆相併爲同名相從以太陽之盈與太陰之疾以太陰之遲與太陽之縮皆相減爲異名相消乃得盈縮遲疾化爲加減時刻之差以此加減朔望之大小餘分得定朔弦望諸時刻至盈縮遲疾郭守敬勝平立定三差理隱數繁審其機括繪圖以明之又如赤道變黃道之法謂在二至後者以度率一零八六五除赤道積度變爲黃道宿

度在二分後者以度率一零八六五乘赤道積度變爲黃道宿度凡此授時之緒引伸益明其餘月離五星等法與同回西洋諸歷遇有疑難無不洞悉至日月體徑有大小交食限數有淺深具見其奧且悟唐順之弧容直闊之法以排求太陰出入黃道在內在外不離乎六度自是一應七政氣朔交食諸端按法而推百不失一康熙六年應詔募天下知歷之士於是入都其時欽天監用大統歷七政多不合天奉

旨 在觀象臺每日測驗而金星比歷差至十度因修改古法乃據七年所測表影推測太陽盈縮又據日測五星行度考其遲疾彼此推求加減氣閏轉交諸應測驗皆與天合蓋其法亦本郭守敬太陽爲氣應推冬至與日躔用之太陰周天爲轉應朔望用之又 有交應推日月食用之合

氣盈朔虛之奇零爲閏應推閏月用之此外有合應推五星用之修改諸應取順治元年甲申爲元以應

世祖章皇帝撫有中夏之祥欽天監名爲改應法既改氣閏轉交諸應復改遲疾限及求差諸法又改冬至黃道法日出分依步中星內法又盈縮遲疾無積度月食無時差一一訂定修改用推以前日食皆與天合臺官交章保薦八年歷書告成奏對

武英殿授歷科博士時有薦西洋南懷仁等於朝考其實測諸術驗且捷咸以爲便遂定用西洋之法而古歷卒不行十年以疾歸著有象緯攷一卷歷言大略一卷其天體論一卷及閏虛中星交食定朔五星諸論則佚矣同縣並時有楊文言亦通歷算尤明習幾何原本應靖南王耿精忠藩下人聘爲幕客精忠叛亂時文言被囑大兵至得出

聖祖嘗問其人於安溪相國對曰杜門高蹈李顥之流後
明史歷志初成文言會有增定也又有馬負圖行事未詳
箸有開方密率法一卷圖一卷今竝存

武進縣志道
古堂文集

論曰龔博士明習授時舊術而又綜貫乎大統回回諸法
凡所推演得合天行夫豈淺陋固執者流所可蹴致其諸
哉當中西觔角之秋博士獨能古道自守不皇皇焉以彼
而易此謂非有志之倫而克若是歟惜乎世祚縣邈名且
闕然亟甄錄之亦以張吾軍也云爾

方正珠 胡宗緒

方正珠字浦選桐城人康熙中以歲貢生蒙

召對示以中和樂諸法奏對稱

旨乃進其父中通所箸數度衍並自箸乘除新法一時學
者奉爲準繩其前有同縣進士胡宗緒所箸算書存目爲

晝夜通儀象說象觀歲差新論測量大意九九淺說故簡
平儀說各一卷康熙七年用薦修明史與宣城梅徵君善
譔梅胡問答一卷以記相質難之說

安徽通志

王蘭生

王蘭生字振聲別字坦齋交河人康熙初安溪李文貞公
督學畿輔拔冠其曹補縣學生遂稟學焉益自刻厲自樂
律音韻旁及中西象數莫不深造十三年

聖祖問士於文貞文貞首以公薦

召直內廷晝日三接遂得時受

天語指示五十有二年

命與舉人一體會試九月

蒙養齋開局與編修纂事尋丁外艱歸持服

許以所纂書自隨服闋復赴書局日侍

講殿祇承

顧問六十年試禮部不利

賜一體殿試以二甲一名進士改翰林院庶吉士散館授編修累官至刑部右侍郎管禮部侍郎事乾隆三年二月薨於位公以布衣諸生應薦出入

禁闥二十餘年深爲

三朝所信遇凡纂輯律呂正義數理精蘊音韻闡微諸書皆與焉公學不爲汎濫其於樂律如有神契旣得承受聖祖御製律管風琴諸解乃本明道之說以人之中聲定黃鍾之管積黍以驗之展轉生十二律皆與古法相應又至郊壇親驗樂器而後知管音有長短巨細之差故有黃鍾積八倍者或四倍者而匏笙之管反有黃鍾積八分之一者至埙簫之數亦皆以黃鍾積實加減而得其應聲至

弦音則但爭長短或用倍或用半其聲已應蓋立方者用體平方者用面線與線體與體之比例異故也其說稍變朱蔡而與管子淮南之說合此外雜說不關算數者茲不具詳焉

道古堂文集
鮑琦亭集

論曰王侍郎爲安溪高弟安溪之學留心律呂厯算音韻有發前人所未及者侍郎皆得其傳從事書局之餘嘗出而哲學皖浙陝西三大省凡奇才孤學通知陰陽厯術者必提掇獎成之青衿組帶之士彬彬郁郁莫不願出門下當是時

聖君賢相君臣道合默契於天人之際而侍郎以一介儒素參其閒親接

謨訓而承

恩願固極人生難得之遭逢矣雖私家無他譔纂然以編

書終其身故凡披御導窾釐爲一代石渠大制作者皆侍
郎所心劬日督者也尙胡事高談著述與曲藝自鳴者絜
短長哉豈不懿歟

顧棟高

子炳

吳縣

顧棟高字震滄又字復初晚年又自號左畚無錫人康熙
六十年進士改內閣中書雍正初元以奏對越次罷歸乾
隆初元舉博學鴻詞未第十六年再用薦舉以經學徵核
其名實允孚

優詔授官國子監司業老不任職辭歸二十二年

高廟南巡

召見行在加祭酒銜并

御書傳經耆碩四字賜之二十四年卒年八十有一所撰

書

疇人傳三編

卷一

六

四庫多著錄四十八年

國史館奉

諭辦儒林傳以棟高爲始蓋非常之典也經明行修旁及術藝畢生精力則盡萃於春秋大事表一書泛濫者三十年覃思者十年執筆爲之者又十五年而后寫定凡爲敘論百三十一篇爲目五十爲卷六十有四首列時令表明商周皆改時改月以正胡氏及蔡氏書傳之非列朔閏及長歷拾遺二表以補杜氏之長歷而二百四十二年之時日屈指可數復編口號以便學者之記誦用心可謂苦矣其朔閏表四卷自序之曰余讀春秋每苦日食置閏不得其解據先儒舊說春秋不應置閏而置閏者凡二見莊二十六月辛未朔日有食應置閏而失不置者凡三見昭二十丑日南至襄二十七年冬十月乙亥至日食之乖繆尤多

穀梁曰言日不言朔食晦日也言朔不言日食既朔也及
襄二十一年九月十月頻食二十四年七月八月頻食諸
儒皆以爲日無頻食法日月無頻交之理不交無從有食
歷千年罔有折衷又經傳中日月多有互異孔穎達曰凡
異者多是傳實而經虛以余攷之亦有經不誤而傳誤者
有經傳俱不誤而杜以駁正經傳反致誤者孔氏僅能發
明杜氏之義而無能救正杜氏之失至宋儒益務以義理
爲穿鑿不考本末憑空臆斷至使千年經義沈霾晦蝕于
附會之儒生鹵莽之老宿重可歎也歲癸亥華生綱從余
遊年二十三歲性敏而有沈思余教以推求春秋朔閏之
法以方幅之紙一年橫書十二月每月繫朔晦於首尾細
求經傳中之干支日數不合則爲置閏始猶覺其牴牾十
年以後迎刃而解其合者凡十九不合者前後率不過差

一兩日因經傳之日數以求晦朔因晦朔之前後以定閏
餘與杜氏長歷不差累黍其違異者則爲著論駁正之乃
知春秋二百四十二年之事迹指掌可數粲若列眉而後
儒之憑空臆造都成癡語試約舉三四事言之桓五年正
月甲戌己丑陳侯鮑卒傳曰再赴也杜謂甲戌前年十二
月二十一日己丑此年正月六日今考桓四年冬當有閏
十二月甲戌實是正月二十一日而已丑則二月七日也
是經書正月甲戌不誤第甲戌之下當有關文己丑之上
併脫二月兩字耳傳不知而誤以爲再赴杜併不知而誤
以今年之日屬之前年由失不置閏故也昭元年十二月
晉旣烝趙孟適南陽甲辰朔烝于溫杜以甲辰爲十二月
朔謂晉烝當在甲辰之前傳言十二月誤不知是年當閏
十月不可因長歷作閏十二月經傳皆有十一月己酉己

酉先甲辰五十五日則甲辰非十二月朔可知服虔云甲辰夏十一月朔也蓋夏之十一月於周爲正月晉烝以孟冬而趙氏以仲冬烝于家廟傳以烝本冬祭不可繫之來年而甲辰實正月朔故特變其文先言十二月晉烝而後言甲辰朔此明係兩月事趙氏之烝自在明年正月傳紀晉事自用晉之夏正耳杜不知傳文書法之變誤以來歲之日屬之今年由置閏失所故也更有經傳俱不誤而杜孔誤者莊二十五年六月辛未日食鼓用牲于社左傳曰非常也左傳之意蓋謂正陽之月日食爲非常之變異爾是解所以鼓用牲之故而杜釋爲非常鼓之月由置閏失所誤使七月爲六月夫不應伐鼓而伐鼓不過失于謹慎未足重煩聖筆而正陽之月受陰氣虧損乃災異之大者杜不舉其大而舉其細何爲乎今推算辛未確是六月朔

日自莊元年閏十月至二十四年閏七月凡九置閏正合
五歲再閏十有九歲七閏之數而孔氏曲從杜說反謂二
十四年八月以前誤置一閏所以使七月爲六月此經傳
俱不誤而杜孔自誤也又有杜孔俱不誤而後儒以意推
求而誤者襄二十八年十二月甲寅天王崩乙未楚子昭
卒相去凡四十二日杜孔俱云日誤而胡文定指爲閏月
經不書謂是喪服不數閏之誣呂氏本中至反駁杜孔爲
非殊不知置閏須通計兩年上下若此年十二月置閏則
來年二月安得有癸卯五月安得有庚午乎今推算閏當
在來年之八月此宋儒不考經傳前後橫空臆度並不信
杜孔而失之者也此卷篇幅獨多約有一百八十餘葉就
一卷中釐爲四卷學者執是求之以上下數千年諸儒議
論如堂上人判堂下人曲直又如執規矩以量物毫髮不

容少錯余於此用心良苦而位置間月排列朔晦則華生
經始華子師道改正之力爲多嗚呼綦難哉余往懷此志
六七年而苦無端緒聞秦典曙峰陳先生有書六卷屢叩
書求其令嗣而不獲而臨川師有春秋年譜一書亦未見
示亡兒炳從旁贊曰是不難從經傳日數求之足矣此事
兒請任之余呵之炳不敢言而退今幸是編成喜二華之
能成吾志而又恨亡兒之不得與成其事也爲泣然者久
之子炳行事未詳其鄉人吳熊字岱巖著三正考二卷援
據亦博祭酒少卽與友嘗爲作序一首

國史儒林傳詞
科掌錄春秋大事

序表
論曰顧祭酒能首窮經躬邀

聖諭遂得弁冕儒林沒世而名不朽稽古之榮

殊恩異數蓋自漢唐以來未之前聞也今讀其遺書雖朔

閏成編資於二華推策布算悉稟師授苟未嘗親究乎氣朔消長之由來則將何道以坐而致之且從而勘其合否乎又豈鑿空任臆所克成者乎夫儒者兼長類多明算祭酒之學初不必藉是而增重也而或者謂是亦博能之一端耳又烏容置弗論哉

華玉淳

華綱

華玉淳字師道無錫人太學生受業於同縣顧祭酒

棟高

講求經義兼長厯算族子綱乾隆八年亦從祭酒受業教以推求春秋朔閏之法纂爲朔閏表四卷而太學改正之嘗答祭酒書論春秋朔閏曰見示朔閏表致爲精密然其中可商處尙多得暇當一檢此項本難著手今法以合朔時刻定月之大小中氣有無定閏之先後而古厯甚疏不得以今法爲準杜氏只就經傳所有日月排成長厯未必

盡合春秋時法今更出杜氏後二千載而謂所定月大小
日甲乙置閏先後一一脗合此必無之事也晉語十月惠
公卒韋昭注云內傳在九月而此云十月賈侍中以爲閏
在十二月後魯失閏以閏月爲正月晉以九月爲十月而
置閏也然則列國之歷又各有不同因此疑經傳日月參
差未必盡闕誤或赴告有異也最可異者先儒見經文兩
書閏月皆在歲終遂謂古歷閏皆十二月以此解左傳歸
餘於終不知閏所以定時成歲若閏必歲終四時何以定
竊意閏者附月之餘日也積聚餘分至中氣在晦則當置
閏是爲一終所謂歸於終者如此元楊恭懿上授時歷奏
云暴秦焚書廢古爲作置閏歲終西漢因之然則史記漢
書於太初未改歷前屢書後九月乃仍秦歷非古法本然
也左傳再書日南至僖五年正月辛亥朔以宋紀元金大

明厯推之得壬子後左傳一日昭二十年正月己丑朔以
宋統天元授時厯推之得戊子先左傳一日紀元大明得
庚寅亦後一日明大統厯則得壬辰更後兩日穆堂先生
春秋年譜自云節氣中氣俱備此必以今法推之恐未可
據以定春秋時厯也太學自著有澹園詩稿若干卷

滿稿
山房

詩話湖海文傳
春秋朔閏表

論曰華太學爲梁谿著姓世多達人觀所答書深明古今
同異之故聞之祭酒謨春秋大事表白定敘例及門多分
任之其朔閏一表則成諸二華之手也今其族裔有衡芳
世芳兄弟者並習步算有聲江表熟於泰西所謂代數微
積分之學伯倡叔相視一切古法遂如土苴矣積薪之歎
不其然乎

胡天游

胡天游一名騷字稚威號雲持山陰人雍正七年副貢生

乾隆元年川座主溧陽任尙書

薦枝薦舉

召試博學鴻詞持服未與試二年補考鼻血大作納卷而出性耿介學極淵博才思浩瀚名動公卿襄勤伯相國文端公鄂爾泰欲見之不可強聘焉雅罷相對問兩戒形穢九乾躔度八十一家文墨口汨汨如傾海十六年再薦經學有一品官忌之爲蜚語間

上御正殿問今年經學中胡天游何如眾未對溧陽相國

史文靖公

貽直

奏胡天游病學有名

上曰得毋奔競否史免冠搖首曰以臣所聞太剛太白愛上默然自後薦舉無敢復言天游者蓋負才名三十餘年再膺特薦卒不遇恃才嫚罵人多忌之老益困修志太原客死於蒲州年逾六十矣生平好奇任氣於書無所不窺

今傳世者有石筭山房集若干卷又嘗譔春秋夏正二卷
附三統論三篇詞博而辨道光初元其族人搜求遺書始
得其手稿刻成於十年三月也自序曰不知春秋之時則
亂經亂經則孔子之義失文武之道敝故學春秋者必先
知時推周復夏以合乎春秋然後文立而義正春秋之時
或習勿能疑疑勿能辨辨勿能抉抉勿能核久哉瞠而無
廓也予既作三統論欲究義類復譔斯編首春王正月繼
以史歷郊祀次之暇時次之城築次之田功次之天節次
之物異次之終以人事凡九等推史歷之失紀觀當時之
所由考諸人事之作爲參稽載籍之博喻則春王正月仲
尼所書非緣周者猶盤剗刀閉解椎庶春秋可從治凡微
舉經傳或備不備唯取明時有所兼明義亦比及若論說
已具頗不復出云

詞科掌錄小倉山房文集春秋夏正

論曰胡徵君才名震一時世祇知長於詩古文辭耳而不知其經術湛深讀書得間若是也今觀所論三統史厯淹通而悉有根據誠足擴征南拘墟之見發後人千載之藎匪特爲諍臣也抑亦杜書之功臣歟夫徵君於推步固非深造然亦異門外影響之談矣亟錄之後此春秋家言厯厯者備諸說解其能遺之也乎

嚴璉

嚴璉字十區仁和人雍正二年用國子生名舉鄉試八年成進士改翰林院庶吉士請急歸調疴里門還京疾又作十二年五月卒於邸舍年僅三十有一生有異稟覆九經如瀉瓶水日課經史爲文一洗懦鈍之習字甲新意旬鍛月鍊冥收不已至忘寢饋極意步天嘗疑雍冀齊魯之墟與鶉首大梁降婁元枵之躔次多有不合著論以發丹元

子之疑又集唐史能書人爲一卷他詩文多不存無子以

兄在昌子震爲後道古堂文集

何夢瑤

馮經

何夢瑤字報之號西池南海人雍正八年進士改知縣分

發廣西後遷奉天遼陽州知州引疾歸富於著述旁通百

家合錄精蘊考成及統宗與梅氏書諸成編要法爲算法

通十二卷三角輯要一卷同縣人伍紫垣氏崇曜刻入韻

南遺書中又馮經字世則號來廬乾隆三十五年舉人官

曲江縣學教諭著算略一卷周髀經注一卷並存於家廣東

通志粵臺徵雅錄南海縣志

萬光泰

萬光泰字循初號柘坡秀水人乾隆元年舉人應

召試博學鴻詞報罷客津門查氏會錢塘梁太保文莊公

續修通考延董其事十五年卒年止三十有九無子所著
有轉注緒言二卷漢音存正二卷遂初堂類音辨一卷又
和坡居士集彙于集如千卷瀾留時寄東鄞縣全吉士
望以遺書爲託後吉士爲文志其墓取遺書觀之歎曰是
今世之學者也其穿穴六藝排比百家如肉貫弗而尤卓
然獨絕者則周脾之學也上自注疏旁及諸史以至明之
三歷訶麗喝利布算了了何其神也循初之述作種種皆
有可稱然卽以是書傳亦已足矣詞章之士云乎哉其遺
書竝藏於同縣友人汪吏部

孟錫

家

詞科掌錄鮑琦
亭集鶴徵後錄

沈大成

沈大成字學子號沃田華亭人已亥科試冠鄉校爲名諸
生後循例貢太學雍正中家中落屢應幕府徵由粵而閩
而浙而皖江晚遊維揚客德州盧運使

見曾

官解旋館歛

商江鶴亭氏

君

生平遊歷於揚爲久與陽湖潘敏惠公交

最後贊益最多篤志經學博聞彊識自經史外旁通天文

地理六書九章算學覃精研思粹然成一家之學師同縣

黃中允

之雋

而友元和惠徵君

棟休甯戴吉士

震仁和杭

編修

世駿

青浦王侍郎

昶

故其爲學原本六經凡古今典

章之沿革政事之得失與夫一名一物流傳攷索研究原

委井然其校定梅氏厯算叢書尤爲一生精力所萃著有

學福齋文集二十卷詩集三十八卷惠徵君戴吉士皆爲

之序著而未成者讀經隨筆也乾隆四十六年十月卒於

家年七十有二嘗譔周髀算經圖注序以客有問于余者

西法何自昉乎曰周髀何以知其然也曰周髀者蓋天也

蓋天之學始立句股句股者西法所謂三角也衡之以爲

句縱之以爲股衰而引之以爲弦正而信之以爲開方是

故井之則爲矩環之則爲規圖內容方方內容圓則爲罽
積弧矢五寸之矩可以盡天下之方一闢之規可以盡天
下之圖歷家以蓋天不同乎渾天卽揚子雲猶疑之然吾
以爲蓋天者渾天之半渾天者蓋天之全蓋天者自內而
觀之渾天者自外而觀之然觀天必先于察地以太陽之
晷景在地也樹一表而句股之數可得句股之數得而高
深廣遠無遁形矣是周髀之術也蓋嘗稽諸考工輪人之
爲蓋治氏之爲戟磬氏之爲磬也匠人之置槩也有一不
出于于是者哉商高之言曰智出於句句出於矩其言可謂
簡而要矣趙爽甄鸞之徒從而疏解之槩方陳子又踵而
述之支離繆穢如鼷鼠食郊牛之角愈入愈深而愈不可
出是故通人無取焉全椒吳樞亭舍人精于九章以是經
之難明也寫之以筆竿而繪以圖皎若列眉黠然若畫井

昭昭然若揭日月而行舉數千載之難明者一旦豁于目而洞于心豈非愉快事哉是學者必宜讀之書也爲引于端以諭同志云後南雁吳侍郎

省蘭

舉學福齋雜著一卷

刻入藝海珠塵乙集中今行於世

湖海文傳東原集學福齋雜著

論曰惠徵君曰沈君遠于經史又旁通九宮納甲天文樂律九章諸術故技擇融洽而無所不貫古人有言知今而不知古謂之盲瞽知古而不知今謂之陸沈溫故知新可以爲師吾于沈君見之矣徵君又謂殫見洽聞同志相賞四十年未覩一人然則明經之學非能推今說而通諸古又惡能起徵君之喜而慰爲過望哉信乎同志之不易求也又戴吉士曰沃田先生出其餘足以信今而傳後震旣見先生但樂於相親而已有移我神而與我以各樂其天者歟夫松崖之言如彼東原之言又如此論世知人者可

以得明經之概已

董達存

董達存字華星或作星武進人乾隆十七年進士授國子監

助教告養歸里家傳有青囊書精其業決休咎奇驗人爭

迎致之遇所不可夷然不屑四十有四年之秋全椒許大

令如蘭曾謁之訪算學蓋助教專業薛氏者也武進縣志續編人傳

許如蘭傳

凌霄

凌霄字芝泉江甯人諸生蚤工小學並善書畫用錢塘袁

大令枚薦入鎮洋畢尚書沈幕府與陽湖孫觀察星銜洪

編修亮吉交最厚後館江甯布政司署又與桐城姚比部

鼎爾友善朝夕過從焉著有測算指掌一卷藏於家江甯府志

孔繼涵

孔繼涵字體生一字誦孟號荏谷曲阜人孔子六十九世孫衍聖恭愍公之孫也乾隆二十五年舉於鄉三十六年成進士官戶部河南清吏司主事四十有八年卒年四十有五篤於內行雅志稽古於天文地志經學字誼算數之書靡不博綜爲人體弱有醞藉生平無疾言遽色而精心強力期於致用遇藏書家罕傳之本必校勘付鈐以廣其傳自譔有考工車度記補林氏考工記解句股粟米法各一卷釋數同度記各一卷其餘題跋雜著名紅欄書屋集者又若干卷詞四卷所刻有五經文字九經字樣算經十書杜預春秋長歷春秋土地名趙汭春秋金鎖匙宋庠國語補音趙岐孟子注孫奭孟子音義林甫戴氏遺書諸種爲微波榘叢書行於世人共珍貴之其刻算經十書自爲序曰禮樂射御書數周官量以司徒掌以保氏厥後政典

不修禮樂射御微絕淪喪六書九數爲民生日用所不能
廢唐以明算科取士限以年九章海島共三歲周髀五經
算共一歲孫子五曹共一歲張邱建夏侯陽各一歲綴術
四歲緝古三歲記遺三等數皆兼習之試之日九章三條
海島等七部各一條十通六記遺三等數帖讀十得九爲
第綴術七條志云七條六條輯古三條六典云四條十通六記遺
三等數帖讀十得九爲第落經者雖通六不第是唐人爲
經者八綴術緝古不謂之經算經十書之名所由起也五
季孤離其科既廢迨宋而祖冲之綴術徐岳記遺董泉三
等數皆亡嘉定壬申鮑澣之復錄得記遺於汀州七寶山
三茅甯壽觀道藏中而唐李淳風所注於夏侯陽算取甄
鸞注本今宋元豐所刊爲韓延所傳無注本則是十書中
經亡其一注亡其二而三等數不數焉齊書云祖冲之注

九章造綴術數十篇南史云其子暉之更修其父所改何
承天歷於是始行隋志云宋末南徐州從事史祖冲之更
開圓率密法圓徑一億爲一丈圓周盈數二丈一尺四寸
一分五釐九毫二秒七忽朒數三丈一尺四寸一分五釐
九毫二秒六忽正數在盈朒二限之間密率圓徑一百一
十三圓周三百五十五約率圓徑七圓周二十二又設開
差羈開差立兼以正圓參之指要精密算氏之最者也所
著之書名爲綴術宋沈括云審方面勢覆量高深遠近算
家謂之重術重文象形如繩木所用墨卧也求星辰之行
步氣朔消長謂之綴術謂不可以形察但以算數綴之而
已北齊祖暉之有綴術二卷唐王孝通云祖暉之綴術曾
不覺方邑進行之術全錯不通芻蕘方亭之問於理未盡
由是五說言之則綴術亦推衍重差之意耳至記遺所載

上中下數且云下數短淺計事不盡上數宏廓不可用此
假爲博大之言不得事實夫所謂萬萬變之者其由萬至
億亦必歷一萬二萬以至十萬爲一位其歷一十萬復然
其一百萬及一千萬亦復然極之億億兆兆無不復然苟
舍是無以成算然則不過繁更位數名稱巧炫耳目詩伐
檀疏毛傳萬萬曰億今數也鄭箋十萬曰億古數也乃以
今數爲中數古數爲下數夸誕背謬不足指摘董氏三等
數應不爾也意是一乘除諸分二開平舉三開立積歟今
得毛氏汲古閣所藏宋元豐京監本七種又假載東原先
生所輯永樂大典中海島算五經算而十書備其九舊附
一今附三而併梓之曰周髀周髀音義九章算術九章算
術補圖九章音義策算九章重差孫子算經五曹算經夏
侯陽算經張邱建算經五經算術輯古算經數術記遺句

股割圖記皆羽翼周髀九章者也孫子握簡易之道九九
乘除分減繼示開通之端海島爲劉徽演之句股測量之
術張邱建因之以方程之術曾通諸法祖沖之因之爲測
量天度及方圓羈立之差王孝通因之爲祖氏之辨正而
五曹則分隸以官夏侯陽則分隸以事五經算則分隸以
經史而胥不能稍出九章之範圍焉嗚呼九數之作非聖
人孰能爲之哉

復初齋文集
算經十書序

論曰孔戶部爲算軒檢討從父行而與戴吉士最友善數
學相長良多資益故言所成就其器量雖遜乎猶子固亦
一時之雋也自東原氏表章古籍而后唐典帖算之書復
顯於世苟無戶部刻以傳亦安必其流行至今乎嘗謂無
朱刻祁刻而二徐說亡無孔刻而十經之書終熄然則六
書九數之孑存也戶部之功又豈出學士相國右哉

汪廷榜

張裕葉 余烈 程尙志

汪廷榜字自占黟縣人乾隆三十六年舉人官旌德縣學訓導初讀書鍾山從宣城梅鈺得句股法由是精通算學著有仰山文集如干卷並世有張裕葉字侍喬桐城人副貢生官歙縣學教諭遷滁州學學正深經術旁及天文算術嘗譔開方捷法一書凡算中積求邊者不過一乘一加而得邊與古法等又嘗以已意創爲燥濕表能預知晴雨學者稱爲華嚴先生又余煌字漢卿婺源人嘉慶三年舉人精天文算術所著書皆能援證古今有春秋求故夏小正星候考二十八宿距度推步考要句陳晷度日星測時新表歲實星名異同錄天官攷異衍談錄讀書度圓記弧角簡法句股三角八線纂要各如干卷並見存曰其同縣又有程尙志字心之諸生世有隱德兼通算術能推八線

疇人傳主編

卷一

十六

三角以闡梅氏之學著有古經義史鏡算學卮言各如干
卷卒年僅二十有二亦乾嘉間人

安徽通志

疇人傳二編卷一終

南菁書院叢書

鳴人傳三編卷二

錢塘諸可寶纂錄

國朝續補遺二

許宗彥 徐養原

許宗彥字積卿又字周生德清人嘉慶四年進士改兵部車駕清吏司主事是科得人最盛出大興文正公儀徵文達公兩太傅之門性孝友白入兵部後兩月卽以親老引病歸兩執親喪無宦情遂不復仕名所居曰鑑止水齋杜門以讀書爲事垂二十年卒於杭州年五十有一於學無所不通探賸索隱識力卓然發千年儒者所未發是爲通儒所著有鑑止水齋文集十二卷多說經之文尤精天文得泰西推步秘法自製渾金球別具神解其記荷羅候星云屢在粵東西土彌納和爲余言西土近三十年測得五

星外尙有一星形質甚小而行遲正在赤道規上約八十餘年可一周天若能測定此星可因以紀赤道考歲差其用甚廣然此非一人一世所能候故自來星官家皆未言及卽西人亦今始知之余偶讀大集經云大星宿其數有八所謂歲星熒惑星鎮星太白星辰星日星月星荷邏候星則西士所測其荷邏候星歟在杭偶與人論左右旋義輒有所作謂援緯書四游以疏本天高卑而知不同心非渾圓之理考周髀北極瑤璣以推古人測驗之法七政皆統於天而知東漢以前用赤道不用黃道爲得諸行之本至若最高每歲有行分大距古遠而今近竊疑測大距當在最高卑時而展轉思之尙多滯義蓋此學之難非淺識所能究也爲太陽行度解系以圖說蓋合日本天日行黃道日經度日緯度求經緯度高卑盈縮用赤道度日度無

開狹口左右旋諸解爲一卷能辨王寅旭戴東原之誤白
記云推步有理有法法生於理理不生於法善言推步者
當明乎理以溯法之原不當徇法而遺理也虛理不合於
算固不可用若虛算不通於理算亦必有時而窮其立術
也彌巧其違天也滋速益爲合以驗天而非順天以求合
也又有北極說太歲太陰超辰說及古今歲星一周行度
表具載集中同縣友人徐養原字新田又字飴庵爲註經
精舍高材生亦出文達公門下嘉慶六年充浙江副貢四
年母卒遂無意應舉耽精算術著有周髀解九章重差補
圖劉徽割圓表長廣方說帶縱諸乘方記乘方補記三角
割圓對數比例對數新論欲中西之法各明其真無相雜
糅謂古義明可以知西法之莫能外也又欲悉取大衍天
元借根對數諸法次於古九章以會數度之全書未成已

卒時道光五年年六十有八矣

學經室二集鑑止水齋集
衍石齋記事稿潮州府志

論曰許駕部之隨任廣州也與歐羅巴人習得其推步嚴
術顧其時談天家諸書尙未盡譯行中土也駕部之解日
行曰日不及天之度卽恆星過之之度此一度歸於日之
右旋則恆星左旋適滿一周而無餘度推步所重惟在日
行而藉恆星以紀其躔舍遂借恆星左旋之度爲日右旋
之度耳若從左旋立算則日行每日一周與不行等當置
日爲不動而寒暑晝夜之推遷皆計恆星之行以定之亦
未始不可通也是說也非卽泰西所主地球自轉行星繞
日乎又曰昔崔靈恩論渾蓋合一劉士元著七曜新術並
儒者而精推步是所望於世之君子則印證西法者未如
今日之暢也至所記荷邏候星又卽今西名之天王星耳
英吉利人侯失勒維廉於乾隆四十六年二月十九日夜

改者始以遠鏡測定星道踞星之外體得之角度爲三秒九一行天一周爲三萬六百八十六日八二零八約得八十四年有餘與記言質小行遲諸數無弗吻合矣若今名海王一星則至道光二十六年八月初四日普魯士伯靈臺官嘉勒乃測得之在駕部時雖彼國學者固亦有所未知也由是觀之吾人之用心特患其不專且摯耳誰謂神明才智竟居歐羅巴後哉有志之士宜思所奮興已

紀大奎

傅九淵黃俊

史大壯

胡文翰

歐陽敬

紀大奎字慎齋臨川人嘉慶六年舉人官博平縣知縣績學善古文辭窮經專於易旁及度數律呂之微所著雙桂堂稿及易問觀易外編周易參同契集韻老子約說仕學備餘地理末學與古律經傳附考筆算便覽諸種都爲紀慎齋全集若干卷其筆算便覽一卷兼及籌算述宣城梅

氏之義簡明易能良稗初學

案同治九年南昌梅侍郎啟照重刻算經十書取附書後

蓋仿微版本附戴氏策算之例也

又傳九淵字深甫號拙齋上高人著有

有不爲齋算學四卷外如鄱陽史大壯字止公有弧矢算

法胡文翰字初白有周髀算經注分宜歐陽敬字心蘭有

句股發明贛縣黃俊字昆美有古今開方考二卷並見存

目行事未詳

慎齋全集梅列算經十書江西通志

朱鴻

張彥冠

朱鴻字雲陸亦字筠麓號小梁秀水人乾隆五十四年舉

於鄉嘉慶七年成進士改翰林院庶吉士散館授編修擢

御史歷給事中出官督理湖南糧儲道研精算學同郡錢

給事

儀吉

撰三國會要集乾象景初二術成嘗爲作注烏

程陳助教

亦

時爲臺官博士陽湖董孝廉

祇誠

亦客京師

皆日從講數學各出所得相可否備圖求周舊無其術爲

孝廉言圖柱斜剖則成橢圖是可以勾股形求之孝廉卽
爲發明其說系以圖釋初得杜德美氏割圖九術寫本無
圖說以示孝廉孝廉創圖解三卷旣成復得密率捷法於
鍾祥李侍郎

黃

家則蒙古監正

明安圖

師弟續釋之書與

傳寫本互異者也觀察曾依杜法步算徑一者周三一四
一五九二六五三五八九七九三三三八四六二六四三
一八六三六七四七二二七九五一四周十者徑三一八
三〇九八八六一八三七九〇六七一五三七七六七五
四六六九六三八九〇五六六六一烏程徐莊愍公采入
務民義齋算學中道光十年後辭官仍居京師嘗譏攷工
記車制參解又評程易疇氏

璠田

攷工創物小記多所糾

正錢給事有詩紀之每相唱和他無傳書云其友張多冠
字神羊號芝岡海甯人乾隆五十三年副榜貢生久客京

師同精算學初傳之杜氏九術本卽所手寫卒後長樂梁

氏章鉅桐鄉程氏同文爲刻神羊遺著一曰景獻初編二

曰算術隨錄前列商除等法二十餘則并附晉志摘錄疇

人盛衰考割圖記摘錄珠算入門各一卷三曰讀書偶識

都如干卷傳於世自序晉書律厯志云壬申夏錢謫人民

部以朱筠麓太史所註乾象景初二厯委余讎校案所訂

譌闕及詳註皆不能贊一辭因撮錄用數與表民部又使

余補註三紀厯用數遂并考正數處其錄之且附疇人盛

衰考於後雖晉厯尙疏無益於推步而刊本之訛字頗多

得考正本亦便閱者又序珠算入門略謂數爲六藝之一

古之學者罔弗能自詞章之學興而此道遂棄如士余數

十年來閱人多矣見有擁前人之厚資者任人持籌不數

年而轉多逋負見有司

國家之府庫者任人握算不數年而竟入爰書其身家之
傾覆固不盡出於不知數而不知數其大端也最甚者若
邇年王麗南一案以直藩書吏蝕帑至數十萬而歷任方
伯不一會計非不知數而然哉若讀書人而不知數勢必
受人之委而又轉委於不讀書人而輾轉貽誤卽不讀書
人亦有廉潔者而讀書人不能稍加攷核將涇渭不分一
二廉潔者亦白沙在泥與之俱黑耳其言多激切類如是
云輯古算經音義序算法大成上綱董方立遺書序衍
石齋記事稿刻精集詩注務民義齋算學海昌備志
論曰朱觀察居乾嘉之際杜術明書初顯於世習者蓋寡
矣而新譯西說固無所謂圓錐曲線也夫錐與柱之體積
互爲內外可以相商相比其數理不自相通乎觀察以句
股形求之者正是不易之論使西人者舍所設縱橫二軸
彼將以何法馭諸曲線耶至觀察所求周徑四十位密率

以今攷之自二十五位以後其小數縱不盡得真而輪駘
疏樸用心則勤又未足爲觀察疾者已

時銘

時銘字佩西號香雪嘉定人乾隆五十四年中省試嘉慶
十年成進士改知縣親老乞選近分發山東候補歷官至
齊東縣知縣道光元年以催科劾罷實不名一錢訟繫之
不得歸七年三月卒於濟南寓邸年六十有一身後以官
逋盡沒其田廬所著筆算籌算圖一卷別有掃落葉齋詩
稿文稿外集隨筆若干卷六壬錄要十卷唐宋詩選十卷
藏於家子曰蘭亦通算術自有傳別見後卷

養一齋
文集

黃承吉

黃承吉字春谷歙縣人用江都寓籍舉於鄉嘉慶十年成
進士改官知縣天資過人爲漢儒之學研究精微通歷算

能辨中西之異同尤工詩古文自出機杼空無依傍著有
夢陔堂集四十九卷經說又若干卷

文徵通志

周濟

周濟字保緒一字介存荆溪人嘉慶九年舉於鄉十年成
進士例銓知縣改就淮安府學教授歲餘移病去官道光
二十年七月客武昌卒年五十有九生而敏悟絕人少與
同郡李鳳臺

兆洛

張館陶

琦

涇縣包新喻

世臣

以經世學

相切劘兼習兵家言習擊刺騎射以豪俠名四十後悔之
因自號止安復理故業先成說文字系四卷韻原四卷輯
平日詩詞雜文各二卷最後乃成晉略十冊以寓平生經
世之學借史事發揮之且於地志下考其沿革悉以今測
之赤道經緯度分詳注之遐識渺慮非徒考訂也頗精於
步算而不善爲書嘗過京口仁和屠太守

倬

方爲丹徒令

患居民訟洲田莫得其實久不決教授曰明日可具鞍馬夫役爲君行視之晨起至洲先丈量一處計其步數乃令役前行凡若干步卽止馬至止所又令一役前行自晨至日晡縱橫環繞皆如之凡八十餘里還至署令東取所記用開方法各乘除之謂屠君曰此特以測遠法用之方田耳諸幕友如言覆轍之盡得其實遂申報定案其學有實用如是

古微堂外集

論曰周教授之用算也蓋神明乎句股和較之術矣先丈計步者所以立一爲率也役行馬止者所以知對角之垂線也縱橫環繞如之者所以徧度其邊也於是可不煩儀矩而邊線悉得矣邊線既得乃綜錯所記而如法入之而算實積將焉遁哉夫九數之學貴明體而達用然後可見諸施行而無所闕教授小試其端而易視其爲法方田一

言若謂夫人而能之耳抑思道古測望之篇敬齋演段之
草苟深通而熟悉之有資乎兵農者其利甚廣而其效且
大今欲得如教授之才海內誠不多覩有之而遂得盡其
用又什弗二三焉亦獨何歟

臧壽恭

臧壽恭原名耀字眉卿號梅溪長興人嘉慶十二年舉人
好讀書尤精小學旁通天文句股之術生平無志進取以
閉戶著書爲事謨有春秋古誼六卷春秋朔閏表天步證
驗句股六術衍又各加千卷

湖州府志

齊彥槐

江臨泰

齊彥槐字蔭三號梅麓婺源人嘉慶十三年應

召試賜舉人明年成進士改翰林院庶吉士散館授金匱
縣知縣遷蘇州府同知引疾去官問學淵博與同官金華

張太守

作楠

相友善並嗜西人算學同守所撰有天球淺

說中星儀說各一卷北極經緯度分表四卷又海運南漕

叢議一卷梅麓詩文集二十六卷嘗製面東西平面立晷

以揆日景贈太守太守變通之而加精焉其友江臨泰號

雲樵全椒人諸生善用對數總較法與同邑金大令

望欣

爲忘年交亦與太守善所著弧三角舉隅二卷太守刻入

翠薇山房算學叢書今行於世又著渾蓋通銓二卷則爲

江甯甘戶部

熙

曾經補訂者也

安徽通志續增人傳張作楠傳翠薇山房算學叢書

算法大成上編江甯府志

王大善

王大善字元長歙縣人用太學生捐輸議敘受五品封職

道光九年卒年八十矣性強立能任事尤工心計世業淮

北饒嘗語人曰凡業饒當察天時審人事知物力贏絀則

天時得知俯仰高下則人事修然非巧算不能解故特精
乎算凡數過百億則持籌者苦茫昧君卽屈指高倡曰若
千算持籌者必往復詳核曰若干算如君言蓋君算沙等
恆河亦不持籌也同縣程侍郎恩澤曰明算科不講久矣
自司農司空之屬不能舉其籌而奸吏日以文巧變亂射
利君之算乃有天授不得爲在官用以市隱終可嘆也已
程侍郎
遺集

程恩澤

俞正燮 鄭復光

程恩澤字雲芬號春海歙縣人嘉慶十六年進士改翰林
院庶吉士散館授編修先後在

南書房

上書房行走官至戶部右侍郎道光十七年薨於位年五
十有三學識超時俗六藝九流皆好學深思心知其意嘗

謂近人治算由九章以通四元可謂發明紀學而儀器則罕有傳者乃與鄭君復光有修復古儀器之約所著詩文遺集十卷有釋卦一篇又國策地名攷二十卷皆爲南海伍氏刻入粵雅堂叢書中交友最善者俞正燮字理初黔縣人道光元年舉人負絕人之資篤好讀書尤善言天象暨厯數以爲泰西法積精然豈三代秦漢人所豫解以某時厯衡某時法是非區分則三代秦漢人不能委其過凡理初手成宏鉅書不自名者甚夥年逾六十而聰彊審密不憊自著爲癸巳類稿十五卷侍郎刻而爲之序其論蓋天宣夜恆星七曜古義五行傳用亥正及古憲九道四分九執諸篇一切皆隸焉又有癸巳存稿十五卷靈石楊氏刻入連筠簞叢書中又同縣友人鄭復光字浣菴亦作澣香上舍生精算術侍郎嘗病齊梅麓氏舛面東西晷自午

初至未初無景因與上舍謀而補成之學經室續集癸巳類稿存稿程侍郎

遺集

論曰皖南言算術者梅氏以來其卓然成家無慮十數罔弗理數精詳體用該備已程侍郎俞孝廉後起黟歙之間一則持議名通一則留心法物步天制器薪傳不息可不謂之盛乎

劉逢祿 湯洽名

劉逢祿字申受武進人文定公之孫也嘉慶十九年進士改翰林院庶吉士散館授禮部儀制司主事道光九年卒於官年五十有六於學務深造自得春秋精公羊家言中交同郡張編修惠言共通虞氏易旁求於詩及今古文尙書皆創通奧域又以餘力及九章小學取史記天官書及甘石星經爲之疏證成書數卷大都所手輯與自著

幾二百十餘卷精力可謂過人矣同縣有湯洽名

或作洽民字

誼卿生而穎慧學於張編修通古學兼明天官厯數風角

星算遊京師以算學考取天文生因母老告歸又工六壬

白知死日葬期黏課於壁既葬始見其課所言皆合自著

有句股祿指一卷太初術長編二卷漢書分野星度辭課

一卷並存

養一齋文集
武進縣志

牟庭

牟庭初名廷相字默人亦字陌人棲霞人爲名諸生貢太

學與同縣郝戶部懿行相友善同舉樸學道光中沒著書

五十餘種亂後佚大半今可見者投壺算草一卷又有兩

句和與兩股較及帶縱和數立方算草各一卷其友劉曰

義字立夫濰縣人通中西之學嘗爲校正投壺算草者也

投壺算草
周公作表

顧廣圻

顧廣圻字千里號澗蘋元和人少孤多病枕上未嘗廢書不事科舉業年三十始補博士弟子員縣府試皆冠其曹繼從江良亨遊得惠氏遺學因盡通經學小學之義家故貧常以爲人校刻博精以食雖往來皆名公卿未嘗有以自潤精於校讐每一書刻竟綜其所正定者爲考異或爲校勘記於後學者讀之益欽嚮其代夏方米序數書九章曰敦夫太史校其家道古數書開雕屬文燾爲之履算其通問與術草不相應或術與草乖甚且算數有誤則當日書成後未經親自覆勘耳至綴術推星題推五星逐度用遞加遞減之法揆日究微題於節氣影差逐日不同皆以平派求之此則法有古今弗可概論也大衍求一術何以爲卽郭守敬厯源李冶測圓海鏡之天元一法及歐羅巴

借根方法今案借根方之兩邊加減雖與天元一相消不同而其術卽天元一法無待論矣若大衍術實非天元一法未可以其有立天元一之語遂以郭守敬及李冶所謂天元一者當之潛研堂集亦言大衍術與李敬齋自言得自洞淵者有異不信然乎聞李尙之嘗謂孫子算經中三三數之五五數之七七數之一題爲大衍求一術所自出子謂道古自序實已自言之何也是書大旨爲九章廣其用如賦役章首題答數至一百七十五條每條步算之數至十餘位而得數皆無不合均貨推本題方程而兼衰分劉徽云世人多以方程爲難道古此題其難更何如矣聞方衍變圖式備詳足資後人參攷凡此皆大有功於九章者自序乃云獨大衍術不載九章其意以爲以各分數之奇零求各分數之總數九章無此法而孫子有之此九章

後可以立法者故隱以語人使自得之也試爲衍之甲三
乙五丙七爲元數連環求等皆得一不約便以元數爲定
母以定母相乘得一百五爲衍母以各定母約衍母得甲
三十五乙二十一丙一十五各爲衍數滿定去衍得奇甲
二乙一丙一以奇與定用大衍求乘率仍得甲二乙一丙
一對乘衍數得甲七十乙二十一丙一十五爲各用數次
置三三數之積二以二乘七十得一百四十五五數之積
三以三乘二十一得六十三七數之積二以二乘一十
五得三十乃併所得爲二百三十三是爲總數滿衍母倍
數去之餘二十三卽所求數凡所求數在衍母限內者其
數最小爲第一數若大於此數者遞加一衍母數無不合
者或列各定爲母於右行各立天元一爲子於左行以母
互乘子亦得衍數是反覆推之而其術乃瞭然也作者之

謂聖述者之謂明道古此術其述而進於作乎他如推求
本息題各差有反鋒方鋒疾藜之名少廣投胎術卽益積
之異名是必古有其名而算數之書爲世所不經見者猶
多也又自譙陽城張太守 敦仁 開方補記後序曰蓋聞開
方元始載於少廣其在句股用以爲法嗣是相承踵事推
衍稍變能精輯古有焉逮於季末之世入諸天元之術爰
因平立以增諸乘乃伯正負而兼帶從減非其法有異良
由所御不同作述之旨如是焉耳入明以後厥術寢微晦
入子弟罕制前故根柢云昧枝葉競興善溪分則圓之類
宣城拾西鏡之遺轉轉遷移重重隔礙以致沿流愈遠趨
路彌歧臨初商而回穴值幾數而眩眩持小學之一端等
天高而難上其可閔也不已甚乎先生文園學林罔蓄疑
義六書九數尤耐覃思初治海鏡默契捫捫翻法在記潛

啟胃心以爲錯綜之致畫一之規限人答中煩而不究遺
諸言外蘊而易宣損益斟酌周詳要練情竟遭佚未從說
明積勤網羅取備道古商賈從隅別名定位夙昔鴻蒙幾
將鑿破猶以易題下算未能應機無滯仍累年月且恆諮
訪數四擘尋委曲曉曉指蹤得郡合楸欒城於是發凡舉
例創造各條經之緯之茂矣美矣其於先超後折異減同
加視上下而相生循次第以置變翻積益實之理適盡命
分之數皆以墨守自古起廢方今至於議開卽決其可否
審得懸識其小大極反覆於商賈示易簡於取較則又闕
未傳之妙標獨悟之宗者也體製宏深苞孕糅雜慮夫學
者或鮮遽僚遂乃逐式設問每步加圖有奧必按靡變弗
備詳哉言之無隱乎爾更於最後特探原本圓城尖田旁
涉弧矢揆以所施申其攸當譬彼詰字依文匪異義之可

奪協句準韻豈他音所能勞著茲確論允爲大通屬藁已
未勒成乙丑區域九卷舊萃一編隻語莫排千秋共信繼
往開來溫故知新近禩九九一家而已從此游藝之士弄
竹之倫藏於箱裏置向帳中不啻司南倚衡秘鑰繫肘者
矣是故秦書具在拓過半之思李記雖亡釋俄空之憾敢
贊盛業附說知者晚得類中證臥牀第者五年道光十九
年卒年七十矣有思適齋集十八卷二十九上海徐紫

珊氏

謂仁

校刊入春暉堂叢書

叢一齋文集
思適齋集

論曰道光朝近承乾嘉樸學之習知名輩起項背相望顧
茂才資稟過人無書不讀經史小學天文厯算輿地之術
靡弗貫通爲寰宇所推重終其身雖未著一書而精誼特
識時見於所爲文如秦張二書序不明算者惡足語此蓋
非尋常經生家言也

黃汝成

黃汝成字庸玉號潛夫嘉定人用縣學廩膳生人貲爲校
官銓授潤州直隸州學訓導以憂未之官也因其友寶山
毛文學

嶽生

交於武進李大令

兆洛

訓導器局瓌偉而才

識敏達善讀書學不泥章句而務合體用自古昔禮樂德
刑以及賦稅田畝職官選舉錢幣權量水利河渠漕運鹽
鐵諸事參校理勢損益遷嬗而折衷於顧氏日知錄條比
義類及所以施設者居閒復以聲音訓詁名物度數之學
纂述爲春秋外傳疏補諸經正義名實益高尤爲安化陶
文毅公江夏陳侍郎

鑾

所知重以體過肥瘠疾作弗治殞

年止三十有九所著惟成日知錄集釋三十二卷刊謨二

卷又袖海樓文稿若干首藏於家

養一齋文集
嘉定縣志

安清翹

安清翹字□□□□人或曰爲山西人里貫未詳嘉道間有數學

五書如千卷刻本行世一推步惟是二一線表用三學算

存略四筆算衍略五樂律新得也書目答問案南皮師

次姑采附於此以待蒐考丙戌夏嘉興沈吉士詩宗彥之

曾桐馮余言昔年曾見其書爲陽曲人他未詳